



*Minggu, 23 Mei 2021*

**Ogen: Perb.Rasul-Rasul 2:1-4**



**“Ialemi Kesah Sibadia”**



**I**bas lagu KEE Mo.245 : 1, Kesah Sibadia e ipindoken reh ku pusuh man k'rina jelma si nggo dat pendiloNa. Arah ende-enden enda ngingetken kita gelah kita selaku anak Dibata arus banci mbuka pusuh gelah reh Kesah Sibadia e guna kalak si tek nandangi Ia. Perbahanen Rasul-Rasul 2:1-4 enda nuriken kerna peristiwa Pentakosta i tengah jelma sinterem si tek nandangi Ia. Amin gia Kesah Sibadia reh bagi dilah api tapi dilah api e mabai kalak ndai nggeluh ngerembakken diri ras Ia.

Kesah si Badia erdahin bas pusuh kalak si tek, gelah geluhna banci ipelimbarui. Ialemi Kesah Sibadia e kerina kelepakenta bas kegeluhen enda. Penungkunenna gundari, ibas kam nggo ngaloken Kesah Si Badia e, nggo nge ipakekenndu guna mabai geluhndu erjorena. erpayona, ertengtengna, ertangkasna i lebe-lebe Dibata? Sia-sia me Kesah Sibadia e reh bandu adi la kita nggit robah bas kegeluhenta. Kesah Sibadia e gunana erdahin bas kegeluhenta mabai kemalemen ate man Dibata.

Bab IV, bas buku rohani sijudulna " *Roh Kudus Yang Bekerja padamu..*" karya *Pdt.Jeremia Gospel*, menulis lirik sederhana :

*Siapakah kamu di hadapan Tuhan?*

*Siapakah Tuhan di hadapanmu?*

*Siapakah yang paling banyak bekerja di hidupmu?*

*Orangtuamu? bukan..Pasanganmu? bukan..Roh Kudus, jawabnya..*

*Ia yang membuatmu mau mengakui kesalahanmu di hadapan Tuhan*

*Ia yang mengajarmu tau tentang Tuhan, hidup dan dunia*

*Jangan pernah mengecewakan Roh Kudus*

*Karena Roh Kudus, kamu tahu segalanya.*

Kai nge pengejapenndu kerna lirik enda? Tuhu, mbelin kel pendahin Kesah Si Badia e man bangku, man bandu ras man kerina kalak sitek man baNa. Nggo seh me waktuna, kita ndahiken dahin kesah e, adi la kita ngasup, mpengasupNa kita, adi la siangka iajarina kita, adi la kita nggit iiahkenNa lalap. Luar biasa pendahin Kesah E.